

AEWIN LEGISLATURE-UN EWE MUUN CHUUK

AEWIN MWIICHENAP, 1978

NAMOPUNG NO. 1-10

## EW NAMOPUNG

A awora ukukun \$19,510 seni ewe Monienapen Legislature ren fan asengesin monien ewe Commission on Youth, me pwan ren ekkoch popun.

Epwe Pung me ren ewe Legislature-un Chuuk pwe:

Tetten 1. Iei a kawor ukukun \$19,510, ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengesin monien ewe Commission on Youth non Chuuk, iei a tettenitiw:


(A) Niwinin Chon Angang . . . . .	\$ 13,780.00
(B) Youth Club Matching Fund . . . . .	3,750.00
(C) Travel (Monien Sai) . . . . .	1,230.00
(D) Mwokutukutun ewe ofes . . . . .	<u>750.00</u>
Unusenapan . . . . .	\$19,510.00


Tetten 2. Ei ukukun moni mei kawor non Tetten 1 epwe einet ika no-ngeni ewe Commission, ewe epwe wisen tumunu nounoun me mwokutukutun ewe moni fan iten ewe Kepina ren an epwe chok fiti met mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1979, epwe niwin sefaan ngeni ewe Monienapen ewe Legislature-un Chuuk.


Tetten 3. Ewe Commission epwe awora an repot won napanapen nounoun me mwokutukutun ei moni ngeni ewe Legislature me mwen May 15, 1979, epwe affata-tiw:


- (1) unusen porausen nounoun ewe moni fongon me ukukun nussun mei chiwen wor non April 30, 1979;
- (2) met sakkun atoot ika anapanap ren ewe nussun moni esemwo nounou tori non April 30, 1979, an epwe nounou non ekkewe nimu amuchunoon manamanen ewe Fiscal Year; pwan
- (3) awora anapanapen ukukun moni epwe kawor ren fan asengesin Commission on Youth non Chuuk non Fiscal Year 1980.


Tetten 4. Ei namopung epwe poputa pochokunan non January 1, 1979, ika a kapunguno me ren ewe Kepina, ika pusin winita annuk, nge esemwo pwan chiwen kapunguno.

Sain seni:   
Tadashi C. Wainit, Speaker  
Truk Legislature  
Truk District Government

Annetata:   
Datsi Albert  
Legislative Clerk/Secretary  
Truk Legislature  
Truk District Government

Pwinin maram: 

A kapunguno seni:   
Erhart Aten, Governor  
Truk District Government

Pwinin maram:  December 30, 1978